



Inspem Tingkat Kolaborasi Matematik Dengan Vietnam



Prof. Datuk Dr. Nik Mustapha R. Abdullah (dua dari kiri) bertukar dokumen MoU dengan Prof. Dr. Ngo Viet Trung sambil disaksikan oleh Prof. Dato' Dr. Kamel Ariffin Mohd. Atan dan Prof. Dr. Le Tuan Hoa.

SERDANG, 10 Jan – Institut Penyelidikan Matematik (INSPEM) Universiti Putra Malaysia (UPM) menjalankan kerjasama penyelidikan matematik dengan penyelidik Institute of Mathematics, Vietnamese Academy of Science and Technology (IM-VAST).

Perjanjian tersebut melihat peluang dan kemudahan menjalankan penyelidikan antara kedua-dua pihak mendapatkan khidmat rundingan penyelidikan, pertukaran jurnal dan pengajuran persidangan.

Pengarah IM-VAST, Prof. Dr. Ngo berkata IM-VAST telah berjaya menghasilkan banyak penerbitan yang berkualiti seperti Acta Mathematica Vietnamica dan Vietnam Journal Mathematics dengan adanya ramai pakar dalam bidang matematik.

Naib Canselor UPM, Prof. Datuk Dr. Nik Mustapha R. Abdullah berkata kerjasama tersebut merangkumi pertukaran tenaga akademik dan penyelidik, pertukaran pentadbir dan staf, pertukaran pasca siswazah, kolaborasi dalam projek penyelidikan dan memantapkan program kerjasama.

Beliau berkata kecemerlangan penyelidik IM-VAST telah berjaya mendapat pengiktirafan antarabangsa dan meletakkan namanya dalam kumpulan 12 Institute of Excellence of the Third World Academy of Science.

"Pelaksanaan MoU ini sebagai langkah awal INSPEM mengadakan perjanjian dengan institusi penyelidikan lain yang berkaitan dengan penyelidikan matematik di Vietnam," katanya dalam majlis menandatangani memorandum persefahaman (MoU) di UPM baru-baru ini.

Memorandum itu ditandatangani oleh Prof. Datuk Dr. Nik Mustapha R. Abdullah mewakili UPM dan Pengarah, Prof. Dr. Ngo Viet Trung mewakili IM-VAST dengan disaksikan oleh Pengarah INSPEM UPM, Prof. Dato' Dr. Kamel Ariffin Mohd Atan dan Timbalan Pengarah IM-VAST, Prof. Dr. Le Tuan Hoa.

Selain menjalankan tugas-tugas utama seperti penyelidikan IM-VAST turut mengadakan kerjasama penyelidikan dengan institut-institut lain di Vietnam dan luar negara.

Disediakan oleh Seksyen Media dan Publisiti, Bahagian Komunikasi Korporat, UPM.